

Hotel Four Points By Sheraton, Harbour Mall jalani latihan kebakaran bersama Bomba

SANDAKAN: Hotel Four Points By Sheraton dan Pusat membeli belah Harbour Mall Sandakan berkerjasama menjayakan latihan kebakaran, di sini, pada Rabu lalu.

Latihan kecemasan kebakaran yang bermula sekitar jam 3 petang itu turut menyaksikan seramai lebih 130 kakitangan Harbour Mall dan Hotel, terlibat bersama beberapa pengunjung Harbour Mall dan tetamu hotel.

Selain Pasukan Keselamatan Kebakaran (ERT) Harbour Mall dan Hotel berkenaan, latihan itu turut dijayakan oleh Balai Bomba dan Penyelamat Sandakan, Hospital Duchess Of Kent (HDOK) dan Polis Traffik.

Seramai 27 anggota dan enam jennera menyertai latihan kecemasan ini disamping lima anggota Polis Traffik dan 10 kakitangan HDOK.

Ketua Balai Bomba dan Penyelamat Sandakan, Mohd Razali Awang Ahmad, ketika ditemui, berpuas hati dengan kejayaan latihan itu terutama dalam aspek mengawal 'kebakaran' yang dilakukan dalam masa singkat mengikut prosedur yang telah ditetapkan.

Begitu juga usaha pihak hotel dan pusat membeli belah itu yang membantu mengeluarkan orang awam apabila ianya mengambil masa selama enam minit.

Ujarnya, latihan kebakaran besar-besaran



TAKLIMAT ... Sebelum latihan kebakaran.. Ketua Balai Bomba dan Penyelamat Sandakan, Mohd Razali Awang Ahmad (tengah), Jamz Jamsari (tiga dari kiri), Michele Chong (dua dari kiri) dan Peter Padman (dua dari kanan) ketika sesi taklimat sebelum operasi latihan bermula.

ini dijalankan di pusat beli-belah dan hotel berkenaan sedikit-sebanyak dapat memberi pendedahan kepada pihak pengurusan, pekerja serta pengunjung untuk menghadapi situasi kebakaran sebenar.

"Bomba sentiasa bersedia membantu pihak pengurusan bangunan untuk menjalankan lati-

han kecemasan kebakaran kerana ia amat penting bagi memastikan sistem keselamatan kebakaran bangunan sentiasa dalam keadaan baik," katanya.

Pengurus Group Security and Safety for Ireka Corporation Bhd, Jamz Jamsari, berkata, bangunan tumpuan orang ramai seperti hotel,

pusat beli-belah, hospital dan pejabat-pejabat besar dikehendaki mengadakan latihan kecemasan kebakaran sekurang-kurangnya sekali setahun.

"Ia bagi memastikan sistem keselamatan kebakaran di setiap bangunan berkenaan berfungsi dengan baik sekali guna menjamin keselamatan orang ramai".

Dalam pada itu, Pengurus Besar Hotel Four Points By Sheraton, Peter Padman, berkata, latihan ini merupakan kali kedua selepas tahun lalu dan latihan kali ini merupakan kelolaan pihak hotel bersama Harbour Mall dan agensi-agensi kerajaan berkenaan.

"Saya berpuas hati dengan latihan kecemasan itu dimana dapat dilihat hasil kerjasama terjalin dengan jayanya antara semua pihak yang terlibat ketika latihan berlangsung".

Turut dijumpai, Pengurus Besar Harbour Mall Sandakan, Michele Chong, berkata, latihan kecemasan kebakaran itu adalah kali keempat yang telah diadakan oleh pihak mereka.

"Setiap tahun Harbour Mall Sandakan adakan latihan kecemasan kebakaran, ini merupakan kali keempat dan ianya amat memuaskan. Kerjasama yang baik dapat dilihat sepanjang latihan itu berlangsung," katanya lagi. -OLEH ALIZA ALAWI



LATIHAN ... Mangsa dalam latihan kecemasan kebakaran itu sedang dirawat.



PADAM API ... Anggota ERT berusaha memadam api ketika latihan itu.